

ДАВОЛАШ МУАССАСАЛАРИ ҚОШИДАГИ КИЧИК БОҒЛАР ЛОЙИҲАЛАСИНИ ТАШКИЛ ЭТИШ ТАМОЙИЛЛАРИ

Имомов Муҳиддин Рустамович

“Ландшафт дизайни” кафедраси катта ўқитувчиси, СамДАҚУ

Аннотация

Целью данной статьи является описание общего плана плана больницы (расположение зданий, сооружений, участков и других устройств), а также плантаций. Цель озеленения на территории больницы. Создание умеренного микроклимата и санитарно-гигиенических условий для релаксации больных. Территория дорог, коридоров и переулков, которые транспортируются к больнице, предназначена для улучшения внешнего вида территории больницы.

Annotation

The purpose of this article is to describe the general plan of the hospital (the location of buildings, structures, sites and other devices), as well as plantations. The purpose of landscaping in the hospital. Creating a moderate microclimate and sanitary conditions for the relaxation of patients. The territory of roads, corridors and lanes that are transported to the hospital, is intended to improve the appearance of the hospital.

Калит сўзлар: *касалхона, архитектура, шаҳарсозлик, санитария-гигиена, Археологик қазилма, аҳоли пункт, ҳудудларни режаслаштириши, экологик, кўкаламзорлаштириши, даволаш биноси, функционал бўлимлар.*

Даволаш муассасалари қошидаги кичик боғлар ҳудуди даволаш комплексларининг функционал вазибаларига асосланган ҳолда аниқ зоналаштириб чиқилади. Кичик боғни қурилишнинг жанубий томонидан жойлаштириш мақсадга мувофиқ. Боғнинг режавий тизими мунтазам ва пейзаж усулида бўлиши мумкин. Қайси режавий усулни танлаш ҳудуднинг рельефига, мавжуд яшил кўкаламларнинг жойлашишига ва бошқаларга боғлиқ. Боғ ҳудуди ташқи зарарли омиллардан яхши ҳимояланган бўлиши керак. Даволаш муассасаларида кичик боғни шакллантиришдаги асосий омил – бу ўсимликлардир [5].

Кичик боғни кўкаламлаштириш учун ўсимликлар асортименти уларнинг беморларга ижобий психологик таъсир қилишини ҳисобга олган ҳолда пухта ўйланиши керак. Бу ерда ташқи кўриниши тўғри геометрик (устунсимон, овал, шарсимон) ва эркин пейзажли кўринишдаги шаклларга

эга бўлган дарахтлардан фойдаланилади. Улар турлича комбинацияларда қўлланилиши мумкин. Дарахтлар ва буталардан ҳосил бўладиган ижобий таъсир омиллари уларнинг ташқи кўринишлари баландлиги, барглари рағллари, гуллаши ва мевалари, хушбўй хиди, барг ва шохларининг шивирлаши билан аниқ ланади. Масалан, тугал қисми тик кўринишли игнабаргли



дарахт ва буталар дан шаклланган яшил массив (нотинч шарпалар ҳосил қилувчи оддий арча, болқон) инсоннинг томоша қилиш қобилиятини фойдали томонга қўзғатади, кайфиятни эса кўтаришга ёрдам беради. Дарахтлар ва буталардан тузилган массив (клен–явор, сохта каштан, олхўри, черемуха ва бирючина обыкновенная) асаб зўриқишини пасайти-ришга ва йўқотишга ёрдам беради ва ҳоказо[5].

Кичик боғ ландшафтдан соғломлаштириш мақсадида фаол фойдаланиш орқали боғнинг беморлар организмига ижобий таъсир кўрсатишга эришиш мумкинки, бунда табиий кичик боғ ўзига хос шифо маскани ролини бажариши шифохонада кўрсатиладиган табиий муолажаларга қўшимча соғломлаштириш воситаси тарзида ҳам хизмат қилиши мумкин [5].

Даволаш муассасаларни кўкаламзорлаштириш мақсади ва вазифалари:

Касалхоналарни ободонлаштириш мақсади шифохона ҳудудини атрофдаги кўчалардан ажратиш ва беморларнинг соғлигини тиклаш учун қулай шароит яратишдир.

Тиббиёт муассасалари ҳудудини ландшафт лойиҳасини ташкил этиш ва санитария –гигиена шароитларини яхшилашга қуйидаги вазифаларилар киради:

- тоза ҳаво ва майдон;
- яхши инсолятция ва вентиллятция;
- шамол, шовқин ва чангдан ҳимоя қилиш;
- беморга терапевтик таъсир кўрсатиш ва соғлигини тиклаш учун қулай шароит яратиш;
- тиббиёт муассаса биносининг меъморий кўринишини бойитиш.

Касалхона ҳудудини кўкаламзорлаштириш тамойили касалхона режасининг умумий схемасига (бинолар, иншоотлар, майдончалар ва бошқа қурилмаларни жойлашиши) ҳамда экинзорлар мақсадига қараб белгиланади. Касалхона ҳудудидаги кўкаламзорлаштиришнинг мақсади қуйидагича: очик ҳавода муолажаларни ўтказиш, беморларнинг сайр этиш ва дам олиши учун мўътадил микроклим ҳамда санитар-гигиеник шароитларни яратиш; даволаш биноларида ёруғлик режимини яхшилаш ҳамда уларни чанг ва шамолдан муҳофазалаш; яшил экинзорлар ёрдамида ҳудуднинг турли функционал бўлимларини чегаравий ажратиш; ҳудудни манзарали кўринишини яхшилаш[2].

Касалхона ҳудудида кўкаламзорлаштирилган майдон умумий майдонга нисбатан 70% дан кам бўлмаслиги лозим, яъни бир касалга 50м² яшил экинзорлар тўғри келадиган бўлиши керак. Транспорт ҳаракатланадиган йўл, йўлаклар ва аллеялар майдони 17% дан ошмаслиги лозим. Касалхоналар ҳудудини кичик меъморий шакллар асосида кўкаламзорлаштириш бўйича тамойилли ғоялар қуйидагиларни ташкил этади: касалхона ҳудуди атрофида дарахт ва буталарнинг қаторли экинзорлари барпо этилади. Хўжалик бинолари ва ёрдамчи иншоотлар ҳудуди, касалхонанинг қолган қисмидан дарахтларнинг қалин экилган қоплами билан ажратилади. Худуд ичидаги барча йўллар йўналишида ҳам дарахтлар қаторлаб экилади[2].

Ҳар бир даволаш биноси олдида кичик боғлар яратиш, махсус муолажалар учун майдончаларни кўкаламзорлаштириш, сайр қилишга мўлжалланган йўлакларга ҳам яшил экинзорлар ташкил этиш лозим.

Экин турлари ассортименти кенг бўлиб, унда нинабаргли ўсимликлар аксарият қисмини ташкил этиш зарур. Шакли-шамойилига, рангига кўра турли хилдаги дарахт ва буталардан фойдаланган



холда худуд манзарасини ёркин равишда безатиш, бунда кўпроқ гуллардан фойдаланиш мақсадга мувофиқ [2].

Касалхоналар худудидаги яшил экинзорлар қандай вазифани бажаради. Касалхоналар худудининг баланси қандай бўлади? Инсонни қадим замонлардан бери турли хил кўркем ўсимликлар дунёси ўраб олган. Ибтидоий одамлар ўз гўшаси атрофида ўсувчи егулик ва кўп касалликларга даво бўлувчи ўсимликларни қидириб топишга ҳаракат қилишган. Археологик қазилмалардан ҳам шу нарса маълумки, қадимги дунё халқлари ўсимликлардан егулик, доривор ва манзарали ўсимликлар сифатида фойдаланишган. Осиё, Европа, Африка ва Америкадан топилган кўпгина қоялардаги тасвирлар гулларнинг ва манзарали ўсимликларнинг беқиёс гўзаллиги бизнинг давримизгача етиб келган. Эрон, Ҳиндистон, Япония, Марказий ва Жанубий Америка халқлари қадим вақтлардан бери йирик ва очиқ гулли ёввойи ўсимликлардан, шунингдек, доривор хусусиятга эга бўлган ўсимликлардан ўз эҳтиёжларига яраша фойдаланишган. Бу ўсимликлар билан улар ўзлари яшаган жойларни безашган ва уларни тиббиёт соҳасида ишлатишган[4].

Олимларнинг фикрига кўра, энг биринчи манзарали ўсимликлар атиргул билан лотос бўлган. Қадимги обидаларнинг гувоҳлик беришича, бу ўсимликлардан жамиятда 5,5-6 минг йил, гулсафсар ва хризантемадан эса 4 минг йил аввал фойдаланилган. Ота-боболаримизнинг бу гулларга бўлган муҳаббатини қояларга ва уй-жой жиҳозларига туширилган тасвирлардан, кашталарга тикилган гуллардан, нақшлардан, эски кўлёмалардан билиш мумкин[3].

Крит оролида олимлар томонидан 3500 йил илгариги атиргул тасвири топилган. Умуман, бу гулларнинг тарқалиши 1000 йил аввал бошланиб Месопотамия, Ҳиндистон, Хитой, Эрон, Яқин Шарқ, Мисрдан ўтиб Юнонистон ва Римгача етиб келган. Қадимги Юнонда атиргул гўзаллик худоси Афротидага бағишланган, унинг эҳроми атрофларини атиргуллардан ташкил топган гўзал боғлар ўраб турган [4].

Хулоса қилиб шуни айтиш мумкинки, даволаш муассасалари худудидаги кичик боғлар яратишнинг мақсади қуйидагича, очиқ ҳавода муолажаларни ўтказиш, беморларнинг сайр этиш ва дам олиши учун мўътадил микроиклим ҳамда санитар-гигиеник шароитларни яратиш; даволаш биноларида ёруғлик режимини яхшилаш ҳамда уларни чанг ва шамолдан муҳофазалаш; яшил экинзорлар ёрдамида худуднинг турли функционал бўлимларини чегаравий ажратиш; худудни манзарали кўринишини яхшилашдир.

Фойдаланилган адабиётлар рўйхати

1. А.Қ. Қайимов, Дж. Турок. “Аҳоли яшаш жойларини кўкаламзорлаштириш”. Тошкент – 2012
2. Адилова Л.А. Ландшафт архитектураси. Ўқув қўлланма.-Т., 2000.
3. Вергунов А.П., Денисов М.Ф., Ожегов С.С. Ландшафтное проектирование.-М.1991.
4. Гарнизоненко Т.С. Справочник современного ландшафтного дизайна.-Ростов- на-Дону, 2005



5. Олимова, О. О. (2023). ВНЕДРЕНИЕ СОВРЕМЕННЫХ ТЕХНОЛОГИЙ В ПРОСТРАНСТВО ШКОЛ. "MODERN SCIENCE AND EDUCATION: ACHIEVEMENTS AND DEVELOPMENT PROSPECTS", 166-168.
6. Мустаев Б.Б. Ўзбек миллий боғи меъморий дастурини яратишнинг илмий-назарий ва лойиҳавий асосларини такомиллаштириш Диссертация – Т., 2019.
7. Jurayeva, E., Dilshod, L., & Olimova, O. (2024). Reviving Ancient Splendor: Graphic Restoration of the Mosque of Odina in Uzbekistan. *Indonesian Journal of Cultural and Community Development*, 15(1), 10-21070.
8. Имомов, М. Р. (2023). ЎЗБЕКИСТОН ШАРОИТИДА КИЧИК БОҒЛАРДА ҚЎЛЛАНИЛАДИГАН СУВ ДУНЁСИ ВА МЎЖАЗ МЕЪМОРИЙ ШАКЛЛАР БЎЙИЧА ТАВСИЯЛАР. *ARHITEKTURA, MUHANDISLIK VA ZAMONAVIY TEXNOLOGIYALAR JURNALI*, 2(1), 144-148.
9. Нарзиева, К. К., & Имомов, М. Р. (2018). ИСТОРИЧЕСКИЕ АРХИТЕКТУРНЫЕ СТРОЕНИЯ СТРАН БЛИЖНЕГО И СРЕДНЕГО ВОСТОКА. *Актуальные научные исследования в современном мире*, (5-7), 124-128.
10. ИМОМОВ, М. (2020). РАЗРЕШЕНИЕ ЛАНДШАФТНЫХ БОЛЬНИЦ И НЕБОЛЬШИХ ПАРКОВ В УСЛОВИЯХ НЕОПРЕДЕЛЕННОСТИ В УЗБЕКИСТАНЕ, ПРИНЦИПЫ ИХ ОРГАНИЗАЦИИ. *Электронный сетевой политематический журнал "Научные труды КубГТУ"*, (8), 827-831.

